



2019 йил “25 март”

3548-сонли

Галлаорол шахри

**Тумандаги қишлоқ хўжалиги ва мелиоратив техникаларни, шунингдек
машина-трактор парклари, устахоналар ва сервис пунктларнинг асбоб-
ускуналарини техник кўриқдан ўтказиш тўғрисида**

Ўзбекистон Республикаси Вазирлар Маҳкамасининг 2012 йил 6 декабрдаги 345-сонли “Қишлоқ хўжалиги ва мелиоратив техникаларни, асбоб-ускуналарни ҳисобга олиш ва уларнинг техник ҳолатини назорат қилиш тизимини такомиллаштириш чора-тадбирлари тўғрисида”ги қарори (Ўзбекистон Республикаси қонун ҳужжатлари тўплами, 2012 йил, 50-сон, 559-модда) ва Ўзбекистон Республикаси Қишлоқ ва сув хўжалиги вазирининг 2013 йил 2 апрелдаги 58-сон буйруғи билан тасдиқланган “Қишлоқ хўжалиги ва мелиоратив техникаларни, шунингдек, машина-трактор парклари, устахоналар ва сервис пунктларининг асбоб-ускуналарини техник кўриқдан ўтказиш тартиби тўғрисида”ги низом (Ўзбекистон Республикаси қонун ҳужжатлари тўплами, 2013 йил 17-сон, 229-модда) (рўйхат рақами 2452, 2013 йил 25 апрель), ижросини таъминлаш мақсадида Ўзбекистон Республикасининг “Маҳаллий давлат ҳокимияти тўғрисида”ги Қонуни (Ўзбекистон Республикаси Олий Кенгашининг Ахборотномаси, 1993 йил 9-сон, 320-модда) 6-моддасига асосан.

ҚАРОР ҚИЛАМАН:

1. Тумандаги қишлоқ хўжалаги ва мелиоратив техникалар, шунингдек машина-трактор парклари, устахоналар ва сервис пунктларининг асбоб-ускуналари (бундан буён матнда- техника деб юритилади) техник кўриқдан ўтказилсин.

2. Туман ҳудудидаги юридик ва жисмоний шахсларга тегишли техникаларни техник кўриқдан ўтказиш бўйича комиссия таркиби 1 иловага мувофиқ;

- техник кўриқдан ўтказиш иш режаси 2 иловага мувофиқ тасдиқлансин.

3. Туман “Давтехназорат” инспекциясининг қишлоқ хўжалиги техникаси бўйича давлат инспектори томонидан ундириладиган йиғмалар Ўзбекистон Республикаси Вазирлар Маҳкамасининг 2012 йл 6 декабрдаги 345-сон “Қишлоқ хўжалиги ва мелиоратив техникани, асбоб-ускуналарини ҳисобга олиш ва уларнинг техник ҳолатини назорат қилиш тизимини такомиллаштириш чора-тадбирлари тўғрисида”ги қарорига мувофиқ амалга оширилсин.

4. Техник кўриқдан ўтказиш бўйича комиссия раиси (Н.Хидиров)га: техникага мулк ҳуқуқи асосида эга шахслар (мулкдор)га техникаларини техник кўриқдан ўтказиш тўғрисида билдиришномани юбориш;

техник кўриқдан ўтмаган ёки техник кўриққа тақдим этилмаган техникалар юзасидан мулкдорга ёзма кўрсатма бериш;

мулкдор кўрсатмада белгиланган муддатда техникани қайта техник кўриқдан ўтказмаган тақдирда ҳамда қишлоқ хўжалиги ва мелиоратив техника, асбоб-ускуналардан эҳтиётсизлик билан фойдаланиш, сақлаш, ҳисобдан чиқариш, таъмирлаш, техника хизматлари кўрсатиш ҳолатлари ҳақидаги маълумотларни туман ҳокимлигига тақдим этиш вазифаси топширилсин.

5. Ушбу қарор “Ғаллаорол овози” газетасига эълон қилинсин ва белгиланган тартибда ҳокимликнинг веб-сайтига жойлаштирилсин.

6. 2018 йил 16 январда туман ҳокимлиги томонидан қабул қилинган № 94-сонли қарори ўз кучини йўқотган деб ҳисоблансин.

6. Мазкур қарорнинг бажарилишини назорат қилиш туман ҳокимининг қишлоқ ва сув хўжалиги масалалари бўйича ўринбосари У.Умурзоқов зиммасига юклатилсин.

7. Ушбу қарорнинг расмий эълон қилинган кундан эътиборан кучга киради.

Туман ҳокими



Ж.Оқбоев

